



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Vita Et Morib. Ignatii Loiolæ, Qvi Societatem Iesv
Fvndavit, Libri III**

Maffei, Giovanni Pietro

Dvaci, 1585

Ardores eiusdem in studio pænitentiæ. Cap. V.

urn:nbn:de:hbz:466:1-44004

nibus, præteriorum veniam demisse precari, diuino cultui deuouere sese, ac beatam præcipue Dic matræ intenta supplicatione propitiare non destitut. Atq. hunc in modum Christianæ militiæ nomen ex animo dedit Ignatius anno post Christum natum
 M. D X X I I. quo ferme ipso tempore, vt à multis nō sine admiratione quidem animaduersum est, Martinus Luther infamis hæresiarcha, magnis in Germania motibus excitatis, iussus à Carolo quinto Imperatore adesse Vormatiæ, male presulm ad eam diæ virus opinionum suarum effudit in illo conuentu palam, sediq. Apostolicæ & catholicæ veritati nefarium atq. impium bellum temulentus indixit: vt satis appareat, cum maxime furiam illam cōtra omnia diuina & humana iura, legesq. sacratas obarmaret satanas; tum ex altera parte, præter alia militatis Ecclesiæ robora, nouum etiam hunc ducem excitatum diuinæ prouidentiæ nutu, quē Christus imperator, & ipsum, & sectatores ipsius, obligatos religionis arctissimè sacramento, adactosq. nominatim in verba Romani Pontificis, furori ac libidini hæreticæ prauitatis opponeret.

Ardores eiusdem in studio pœnitentiae. CAP. V.

AC R A igitur vigilia, quemadmodum dicebamus, exacta, quo celebritatem hominum, famamq. sanctitatis vitaret Ignatius, nondum certa luce, relicto monachis iumento, pedes ipse, obuoluto etiam tum fascijs altero crure claudicans, per summū laborem à Monte ferrato discessit, & è via militari paulo post deflexit primum ad deserta in vicino loca, dein ad oppi-

B iiij dum

dum Barcinonensis agri Minoressam (hodie Manresa
fam vulgus appellat) nouem fere millibus passuum
à Monte serrato: ubi antequam longinquæ & peri-
culo sæ peregrinationi Hierosolymitanæ se se com-
mitteret, saeuicte præsertim Barcinone per id tèpus
pestilentia, deuio & obscurò loco aliquandiu deli-
tescere, & humilitatis Christianæ, quæ ceterarum est
parens custos q. virtutum, solida iacere fundamenta
decreuerat. Interea mèdicus ille, quem Ignatius pri-
die suis vestimentis induerat, cum ex intolito orna-
tu in furti suspicionem venisset, illoco à loci magi-
stratibus comprehenditur, & diuinam humanamq.
frustra implorans fidem in vincla coniicitur. Cumq.
inter quæstionem ea sibi à viro quodam nobili
clam donata iureiurando affirmaret, notasq. corpo-
ris, ignarus nominis, ederet; conqueritur extemplo
diligenter Ignatius. cum nusquam appareret, mitti-
tur ad eum insequendum festine viator; qui ægre
procedentem facile consecutus, quærit ex eo num
cui quidpiam in Monte serrato donauerit. Ad eam
vocem, id quod erat suspicatus Ignatius, substitit;
coactusq. innocentis periculo, pauperi cuidam ve-
stimenta se se pridie largitum esse confessus est: cùq.
viator porro instaret, quis tu, aut cuias? nullum om-
nino ad ea verbum Ignatius reddidit. sed itinere cœ-
pto perrexit tacitus, casum insontis apud se miser-
ans, ac semetipsum incusans, qui ne benefacere qui-
dem sine ipius cui benefaceret damno, vel certe di-
scrimine, didicisset. Ut igitur Minoressam accessit,
oppidum ingressus quo dicebamus amictu, ad pu-
blicum infimæ plebis hospitium precario se cōtu-
lit, ibiq. sanctæ paupertatis ac pænitentiæ studio, in-
ter egentes ac sordidos quam exsequemur vitam
exorsus

exorsus est. Victum ostiatim precibus infimis emēdicare quotidie; totam hebdomadā, excepto die Dominico, ieiunare; in ipso cibatu simplici pane contentus, atq. vbi sitis vrgeret, aqua profluente; somni parcissimus humo nuda cubare, auctoq. supplicio, singulis diebus ter sese flagellis quām acerrime cädere. Ad hæc horas quotidie septenas genibus nixus in oratione vocali persistere; nam eius quæ mentalis dicitur, vsum & consuetudinem adhuc ignorabat. Præterea sacrificio matutino, Vesperarum & Completorij officijs attētissima cura semper intererat. obibat etiam octauo quoque die sacra confessionis & Eucharistiae mysteria. Et quoniam superioribus annis (vt diximus) & humanæ laudis famæq. appetentior, & munditiarum, ornatusq. fuerat studiosior; vt vitium vtriusq. diligētiæ pari neglectu rependeret, natalium suorum generisq. splendorem, ne quis illi honos haberetur, studiose cælare; & capillum, quem pro eius sœculi more promissum impensius comere curareq. consueverat, relinquere cœpit impexum & squalidū: quinetiam vngues ipsos excrescere per diuturnam incutriam pati: atq. in hoc tam aspero, tamq. horrido vițe instituto, constanter id omne refugere, quod vlam posset afflictæ carni delectationem aut leuamē afferre. Itaq. cum esset decoro vultu, & egregia totius corporis firmitate; detractis paulatim viribus, omnis ille vigor acerrimi bellatoris, & forma viridis iuuentæ prorsus elanguit.

B iiij

Moleſtia